



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Na osnovu Sporazuma o saradnji na realizaciji projekta "Subvencioniranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo", broj 05-11-28601/20 od 02.09.2020. godine Ministarstvo prostornog uređenja, građenja i zaštite okoliša Kantona Sarajevo raspisuje

### JAVNI POZIV

**Za izbor korisnika subvencioniranja troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo"**

#### I. PREDMET JAVNOG POZIVA

Predmet Javnog poziva je prikupljanje prijava i utvrđivanje rang liste za subvencioniranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo", a u cilju implementacije Studije izvodljivosti o proširenju i poboljšanju sistema daljinskog grijanja u Kantonu Sarajevo.

#### II. USLOVI ZA SUBVENCIONIRANJE TROŠKOVA UGRADNJE INDIVIDUALNIH MJERILA TOPLOTNE ENERGIJE

1. Pravo učešća na ovom Javnom pozivu imaju korisnici usluge:
  - a) Etažni vlasnici u objektima kolektivnog stanovanja (građevina kao cjelina) koji su spojeni na zajedničku instalaciju centralnog grijanja objekta i zajedničko mjerilo toplotne energije,
  - b) Etažni vlasnici u dijelu objekta kolektivnog stanovanja (ulaz) koji su spojeni na zajedničku instalaciju centralnog grijanja dijela objekta (ulaza) i zajedničko mjerilo toplotne energije za taj dio objekta (ulaz) i
  - c) Vlasnici individualnih stambenih objekata.

Zainteresovani korisnici usluge iz tačke 1. a) i 1. b) moraju ispunjavati sljedeće uslove:

- a) Da posjeduju Zapisnik sa izjavom svih etažnih vlasnika da pristaju na izvođenje neophodnih radova na ugradnji individualnih mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da će nakon ugradnje individualnih mjerila zaključiti pojedinačne ugovore o korištenju toplotne energije,



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1



- b) Da su izmirena eventualna prethodna dugovanja svih korisnika usluge prema KJKP "Toplane-Sarajevo",
- c) Da nema isključenih korisnika usluge sa zajedničkih instalacija centralnog grijanja objekta ili dijela objekta bez saglasnosti KJKP "Toplane-Sarajevo".

Zainteresovani korisnici usluge iz tačke 1. c) moraju ispunjavati sljedeće uslove:

- a) Da su izmirena eventualna prethodna dugovanja vlasnika objekta individualnog stanovanja prema KJKP "Toplane-Sarajevo",
- b) Da nije isključen iz centralnog toplifikacionog sistema bez saglasnosti KJKP "Toplane-Sarajevo".

### III. KRITERIJI ZA BODOVANJE

Kriteriji za određivanje broja bodova i utvrđivanje reda prvenstva kandidata na rang listi su:

- |  |           |
|--|-----------|
| 1. Nosilac subvencije troškova grijanja za centralno grijanje (za sezonu 2019/2020.), na osnovu Uredbe o subvencioniranju troškova grijanja (Službene novine Kantona Sarajevo br. 4/05, 7/08, 37/13, 51/14, 8/18 i 9/19) ..... | 20 bodova |
| 2. Samohrani roditelj .....  | 15 bodova |
| 3. Osoba sa invaliditetom .....  | 15 bodova |
| 4. Domaćinstvo sa djetetom sa posebnim potrebama .....   | 15 bodova |
| 5. Nosilac domaćinstva – nezaposlena osoba .....   | 15 bodova |
| 6. Nosilac domaćinstva – penzioner .....   | 15 bodova |
| 7. Svi ostali nosioci domaćinstva koji ispunjavaju opće uslove .....   | 5 bodova  |

Broj bodova za objekat ili dio objekta na zajedničkom mjerilu toplotne energije iz tačke II 1. a) i II 1. b) izračunava se kao: ukupan broj bodova svih etažnih vlasnika / ukupan broj etažnih vlasnika.

Broj bodova za individualni stambeni objekat iz tačke II 1. c) izračunava se na osnovu gore navedenih kriterija.

U slučaju istog broja bodova, prednost će imati oni objekti ili dijelovi objekta koji imaju veću ukupnu angažovanu toplotnu snagu.

### IV. DOKUMENTACIJA UZ PRIJAVU ZA JAVNI POZIV

1. Kandidati su dužni, uz Prijavu koja sadrži adresu stanovanja i kontakt telefon, dostaviti dokaze o ispunjavanju uslova iz tačke II Javnog poziva i to:

Za korisnike usluge iz tačke II 1. a) i b):

- a) Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o pravnom osnovu korištenja prostorija, u originalu ili ovjerenoj kopiji,
- b) Potvrda da su izmirena dugovanja prema KJKP "Toplane-Sarajevo" izdata od strane KJKP "Toplane-Sarajevo", ne starija od trideset (30) dana,



web: <http://mpz.ks.gov.ba>  
 e-mail: [mpz@mpz.ks.gov.ba](mailto:mpz@mpz.ks.gov.ba)  
 Tel: + 387 (0) 33 562-029,  
 Fax: + 387 (0) 33 562-031  
 Sarajevo, Reisa Džemaludina Čauševića 1



- c) Zapisnik sa izjavom svih etažnih vlasnika da pristaju na izvođenje neophodnih radova na ugradnji individualnih mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da će nakon ugradnje individualnih mjerila zaključiti pojedinačne ugovore o korištenju toplotne energije,
- d) Potvrda da nema isključenih korisnika usluge sa zajedničkih instalacija centralnog grijanja izdata od strane KJKP "Toplane-Sarajevo", ne starija od trideset (30) dana.

Za korisnike usluge iz tačke II 1. c):

- a) Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o pravnom osnovu korištenja individualnog objekta, u originalu ili ovjerenoj kopiji,
  - b) Potvrda da su izmirena dugovanja prema KJKP "Toplane-Sarajevo" izdata od strane KJKP "Toplane-Sarajevo", ne starija od trideset (30) dana,
  - c) Potvrda da nije isključen iz centralnog toplifikacionog sistema izdata od strane KJKP "Toplane-Sarajevo", ne starija od trideset (30) dana,
  - d) Izjavu da će nakon ugradnje mjerila zaključiti ugovor o korištenju toplotne energije.
2. Kandidati koji ispunjavaju kriterije iz tačke III Javnog poziva, potrebno je da dostave dokaze i to:
- a) Rješenje o subvencioniranju troškova grijanja (za sezonu 2019/2020.) u ovjerenoj kopiji, samo za ona domaćinstva čiji je nosilac korisnik subvencije troškova grijanja na osnovu Uredbe o subvencioniranju troškova grijanja,
  - b) Kućna lista kao dokaz da je kandidat samohrani roditelj u originalu ili ovjerenoj kopiji, ne starija od trideset (30) dana,
  - c) Rješenje o invalidnosti kao dokaz da je kandidat osoba sa invaliditetom u ovjerenoj kopiji, ne starije od trideset (30) dana,
  - d) Ček od penzije kao dokaz da je nosilac domaćinstva penzioner u originalu ili ovjerenoj kopiji, ne stariji od trideset (30) dana,
  - e) Potvrda od JU "Služba za zapošljavanje Kantona Sarajevo", kao dokaz da je nosilac domaćinstva nezaposlena osoba, u originalu ili ovjerenoj kopiji, ne stariji od trideset (30) dana,
  - f) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u ovjerenoj kopiji.
  - g) Izjavu korisnika da je saglasan da će, ukoliko bude potrebno, iz ličnih sredstava finansirati razliku troškova između maksimalno odobrenog iznosa od 800 KM bez PDV i stvarnih troškova utvrđenih predmjerom i predračunom materijala i radova iz projektne dokumentacije.

Maksimalan iznos subvencioniranja troškova ugradnje individualnih mjerila toplotne energije iznosi: 800,00 KM bez PDV-a po korisniku usluge iz tačke II 1. a), b) i c).

Troškovi ugradnje individualnog mjerila toplotne energije uključuju:

- Troškove radova, opreme i materijala na rekonstrukciji/izgradnji individualnih mjernih mjesta,
- Troškove radova, opreme i materijala na rekonstrukciji unutrašnjih instalacija centralnog grijanja objekta/dijela objekta, sa ciljem ugradnje individualnih mjerila toplotne energije,



web: <http://mpz.ks.gov.ba>  
 e-mail: [mpz@mpz.ks.gov.ba](mailto:mpz@mpz.ks.gov.ba)  
 Tel: + 387 (0) 33 562-029,  
 Fax: + 387 (0) 33 562-031  
 Sarajevo, Reisa Džemaludina Čauševića 1



- Troškove izrade projektne dokumentacije za rekonstrukciju/izgradnju individualnih mjernih mjesta i rekonstrukciju unutrašnjih instalacija centralnog grijanja objekta/dijela objekta, sa ciljem ugradnje individualnih mjerila toplotne energije.

Sredstva za ugradnju individualnih mjerila toplotne energije su ograničena, a predviđena su u Budžetu Kantona Sarajevo.

Prednost za subvencioniranje imaju objekti sa većim brojem bodova na Javnom pozivu. U slučaju istog broja bodova prednost imaju objekti/dijelovi objekata sa većom angažovanom toplotnom snagom.

Prijave kandidata se dostavljaju putem pošte ili na protokol KJKP "Toplane-Sarajevo" d.o.o. Sarajevo, na adresu Semira Frašte 22, 71000 Sarajevo. Na kovertu posebno staviti oznaku "Prijava na Javni poziv za subvencioniranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" – NE OTVARATI". Prijave kandidata iz objekata kolektivnog stanovanja iz tačke II 1. a) i b) se dostavljaju putem predstavnika etažnih vlasnika.


Javni poziv ostaje otvoren šezdeset (60) dana od dana objavljivanja.

Javni poziv će biti objavljen u dnevnim listovima Oslobođenje i Dnevni avaz, te na web stranici Kantona Sarajevo.

Prijave koje su neblagovremene, koje ne ispunjavaju uslove iz tačke II i tačke IV Javnog poziva i koje su nepotpune, Komisija neće razmatrati.

Nacrt rang liste Komisija objavljuje na oglasnoj ploči Kantona Sarajevo i web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajuće dokaze, u roku od sedam (7) dana od dana objavljivanja.

Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje Prijedlog rang liste koji se dostavlja ministru. Konačnu rang listu potvrđuje Ministar prostornog uređenja, građenja i zaštite okoliša Kantona Sarajevo i objavljuje na oglasnoj ploči Kantona Sarajevo i web stranici Kantona Sarajevo.



**MINISTAR**

**Faruk Kapidžić, dipl. ing. arh.**



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

